


Ejellok Kalijeklok im Jimwe



Abnōnō ko

Aitōk im lab melele ko kin an armij ro remouj kilier lomnak kajurlok jen ro jet ilo Oregon. Ej state eo de eo ilo aelon eo ear jab kōmelim an RiAmedka ro Rekilmej jokwe ijin ilo kar 1840 ko. Ilo kar 1950 ko, Oregon ear jolok 61 bwij im kabōjrak bujen in kakien ko ibbeir. Aitōk kūtien jorrāān eo ear walok jen mennin im kakien ko jet.

Jorrāān eo ear walok jen kalijeklok ko ilo kakien moktalok emōj an alkar im ej woñmaanlok rainnin. Kalijeklok ko rej woñmaanlok aer lelok jerata ko rejab aikuj kar walok ñan Rikilmej, Armij ro lukkun aer bwidej ko, armij ro rejab mouj kilier im American Indian/Alaska Native (BIPOC-AI/AN). Kalijeklok kin riia armij im ejab joñan wōt juon lale er ej kōmman jelōt ikijen ejmour im an armij maron bōk imōn jokwe ko remaron kolla wonneir, mōñā ko ewōr ōn, jeral im jelālokjen eo emmon joñan.

Ejellok kalijeklok kin an armij riia ej melelein ejako ad maron katmane ta ko remaron walok ilo mour, im emmonlok jemlok ko ñan aoleb kumi in armij. Ejellok kalijeklok aikuj aurok eo ilo an state kōmman kakien bwe BIPOC-AI/AN en wōr aer kajur ilo kōmman ekeelel ko ilo state in ad.

Wāween ko ñan Kajimwe

Bebe ko ñan kōlablok an ejellok kalijeklok kin an armij riia kin kakien, bebe im joortoklik ekoba:

- Kōlablok im kōmmane wāween ko ñan kajimwe likjab kein ilo an armij ro rej BIPOC-AI/AN tōl ilo jukjukinbed eo ikijen jelālokjen, lale jimwe ilo an wōr ruprupin kakien, jeral in jibañ ko ñan armij, ejmour an aoleb armij im jibañ in ejmour ñan lale kalijeklok ko ilo kakien im an jab joñan wōt jibañ kein ñan aoleb
- Kōjellā kin kalijeklok ko ilo kakien einwōt juon uwōta in ejmour ñan aoleb armij

Ejmour Ibben Doon Oregon (Healthier Together Oregon, HTO) ej tiljek ilo an kōmmane wāween eo aurok ilo aoleben opij ko an state bwe opij ko an state ren maron tiljek ilo aer madmōd ilo ejellok kalijeklok kin an armij riia ilo aoleb joñan jeral ko.

HTO ej kōtōbar in lolorjak jimwe in jeral ilo an jejjet kūtien kakien ko rej jolok kalijeklok im jolok kajool. Ilo aer naj jukjukinbed ko tōle wāween ko ñan kajimwe likjab kein enaj maron wōr oktak iomwin ien aitōk.




HTO: Juon Bebe in Kōmmane Juon Oregon eo Emmonlok

Ejmour Ibben Doon (Healthier Together Oregon, HTO) ej juon kein jermal eo ekajur ñan kōkmanmanlok an ejellok kalijeklok ñan aoleb armij in Oregon. Einwōt an kar COVID-19 lukkun kalikar, ejab joñan wōt juon an aoleb armij maron mour ilo aer jab nañinmij. Armij ro rejab mouj kilier, armij ro edik kolla ko aer, armij ro rej kalikar rej LGBTQ+, rilikin ro emōj aer emakūt ñan aelon eo im ro emōj aer jool jen aelon ko aer, armij ro ewōr aer utamwe im ro rej jokwe ilo jikin ko rettolok ilo state eo rej ioone abañ ko ebwe aer elab kin kalijeklok ko ilo jikin ko armij rej bed im mennin aikuj ko emōj likūt im rej jelōt ejmour ko an armij.

Kinke ejmour im ainemmon ko an armij rej ekkar ñan eloñ men ko, HTO ej kalikar eloñ bebe ko roktak, im ilo ien aer lale im kōjejjēt kūtien ibben doon, remaron kōkmanmanlok mour ko an aoleb ro rej jokwe ijin.

HTO ear jutak ñan kōjellā kin Bebe in Kōkmanmanlok Ejmour ko an Armij ro ilo Jukjukinbed im bareinwōt

aurok, burokraam, im joortoklik ko an opij im doulul ko. Ej kabok eloñ jikin ko roktak im rej jermal ibbeir jen jikin ko roktak im rej bar tiljek kin kōtōbar kein raurok. Jikin kein ekoba jibañ in ejmour, ritel ro rej kelet, jikin jermal ro, armij ro rej lelok jibañ, ial in ito tak, kōjermal bwidej im bebe, jikin ejmour ko an state, bwij, im jukjukinbed, jimwe kin ruprup kakien im kabin kakien, doulul ko rej bed ilo jukjukinbed, doulul ko an kabuñ, ro rej lelok jermal in jibañ ikijen imōn jokwe im ñan armij im jelālokjen.



Jermal Ibbamim

Kim ej kajeoñ in kobalok ibben ro jet rej tiljek in kōkmanmanlok an ejellok kalijeklok kin ejmour ilo Oregon. Ñan melele ko relablok ak ñan kebaak kim:



WEBSITE

healthiertogetheroregon.org



EMAIL

publichealth.policy@state.or.us



KOBATŌK ILO AM JUON JIKIN EO JENAJ JERMAL IB BEN DOON

healthiertogetheroregon.org/potential-partner



YOUTUBE

bit.ly/3jvkuAE



Healthier Together Oregon

healthiertogetheroregon.org

Juon kōtōbar an Oregon Health Authority